

آبونه اولمق ایستینلردا اثره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

فکرانک محاکمه علییه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تجربیات

محکمه تمیز اعضائی در سعادت استیناف
محکمه سی تجارت قسمی رئیس سعادتلو مدوح بك
افندی حضرتلرینه

در سعادت استیناف محکمه سی تجارت قسمی ریاستی
در سعادت بدایت محکمه سی رئیس اولی سعادتلو علی
قالب بك افندی حضرتلرینه

در سعادت بدایت محکمه سی ریاست اولاسی
بك اوغلی بدایت محکمه سی ایکنجی حقوق دازه سی
رئیس فضیلتلو ماهر افندی به

بك اوغلی بدایت محکمه سی ایکنجی حقوق
دازه سی ریاستی بك اوغلی بدایت محکمه سی مستنطق
اعضاسندن عزتلو شوقی افندی به

بك اوغلی بدایت محکمه سی مستنطق اعضائی
قونیه ولایتی استیناف محکمه سی مدعی عمومیس
عزتلو معمر بکه نفویض بیورلمش ومشار ومومی الهم
ذاتاً مخلف بولنشدر.

تبلیغات

انجمن عدلیه دن تنظیم واعطا قلنان مذ کوره در:

اطنه ولایتی محکمه استینافیه سی مدعی عمومیلکندن
وارد اولوب انجمن عدلیه به حواله قلنان ۸ مارت
سنه ۳۲۲ تاریخلی ونظارت جلیله محاسبه دسندن
درکنارلی شقه اخیراً مخلندن جلب اولنان اوراق
ایله برلشدیریلرک مطالعه وتدقیق اولندی.

خلاصه مالی محمدی جرح ایتمسندن طولای
تحت توقیفه النوب بالآخره مکفلاً سبیلی تخلیه
ایدیلان قصاب علی نام شخصک استینافاً تعیین قلنان
محا کمه ده حاضر بولمیدنی جهتله برنجی قسم کفالت
اچیه سی اولان اوزبش لیرانک تحصیلنه دائر وریلان
قرار موجبنجه مبلغ مزبور کفیلندن استیفا قلنمش
ومظنون مر قومک عن الغیاب درت ماه مدت حبس

جزاسیله محکوم اوله رق مدت اعتراض دخی کذار ایتمش
اولدینی حاله مهل تمیزک مروردن مقدم کفیل
مزبور جانبندن محکمه استینافه باعمر فحال وقوعبولان
مراجعت اوزرینه اصوله مغایر صورتده مذکور
کفالت اچیه سندن دعوی مصارفنک محسوبیه فضلـه
سنک اعاده سی محکمه مذ کوره جه قرار آلتنه الندیغندن
وبو قرارک دخی اجراسی طلب ایدلمکده اولدیغندن
بجمله استفسار معاملیه بی متضمندر.

عین مسئله حقنده مقدما وقوعبولان استفسار
اوزرینه انجمن عدلیه دن ۲۳ کانون ثانی سنه ۳۲۰
تاریخیه تنظیم قلنان مذ کوره اصول محاکمات جزائییه
قانوننک یوز اون برنجی ماده سی منظوقنجه تحقیقات
ومحاکماتک هر حال وزماننده موقتاً تخلیه سبیلنی طلب
واستدعا به حتی بولنان وامر تخلیه سنک اجراسی
کفالت نقدیه اراهنه سنه متوقف اولان مظنونلرک
بعدالتخلیه حقنده جریان ایده جک تحقیقات ومحاکماتک
کافه سنده حاضر بولنسی کفالت واقعنک برنجی
قسمنی تشکیل ایدن تعهد جمله سندن اولسنه وبوقسمه
عاند اولمق اوزره تقدیر اولنان کفالت اچیه سندن
کفلانک عدم مسئولیتی دخی اصول مزبورک یوز
اون یدنجی ماده سنده کوسترلدیکی وجهله تحقیقات
ومحاکمات جاریه نک هر درجه سنده مظنونلرک اثبات
وجود ایتمسی قید صریحی ایله مقید بولنسنه نظراً
عین الغیاب محکوم اولان اشخاص مظنوننک دعوت
واقعیه به عدم اجابتندن طولای کفالتک سالف الذکر
برنجی قسمنه عاند مبالغه خزینه مانده ایدلمک اوزره
کفیللردن اخذ وتحصیلی حکم کفالت ومذکور یوز
اون یدنجی ماده ده مندرج صراحت ایجابندن بولمیدنی
بیایله اکا کوره ایفای مقتضای خصوصنک ایجاب
ایدنلره تبلیغی بیان اولنش واستیناف مدعی عموـ
میلکنتک شقه سنده محکی خصوصدن طولای غند
الاستیناف مظنونک دعوت واقعیه به عدم اجابتی حسبیه
اولا برنجی قسم کفالت اچیه سنک لزوم تحصیلی قرار
آلتنه النوب بوده اسباب مبسوطه به بناء احکام
قانونیه به موافق اولدینی حاله قضیه محکمه تشکیل

ایدن شوقراره واصلو محاکماتک ارانه ایلدیکی طریق
مراجعته مخالف اوله رق اخیراً کفیل جانبندن وقوع
بولان طلب واستدعا اوزرینه بو اچیه دن دعوی
مصارفنک محسوبیه بقیه سنک اعاده سنه دائر مذ کوره
شکلده تنظیم قلنان ولانم التنفید اعلامادن غیر
معدود اولان ورقه نک مدار استناد اولمیه جنی
جهتله قرار سابق دائره سنده جریان ایدن معاملات
تنفیدیه نک تعدیلنه ده محل کوریه مامش اولدیغندن
بو یوله مذکور مدعی عمومیلک تبلیغات جوابیه
ایفا ومحاسبه ده معلومات اعطاسی تذکر قلنمشدر.

محاکمات و مقررات

محکمه تمیز هیئت عمومیه سندن تنظیم واعطا

قلنان اعلامدر:

قونیه ولایتی استیناف محکمه سی جزاداره سندن
لاحق اولوب ۱۴ مارت سنه ۳۲۲ تاریخنده تفهیم
ایدیلان وظیفه قرارینی حاوی اعلامک تمیزینی
مستدعی محکمه مذ کوره مدعی عمومیلکی طرفندن
وبریلان ۲۲ مارت سنه ۳۲۲ تاریخلی استدعاناامه
واوراق متفرعه سی باش مدعی عمومیلک مأموریت
بهیه سنک ۶ حزیران سنه ۳۲۲ تاریخلی تبلیغنامه سیله
محکمه تمیز استدعاداره سنه تودیع اولنغله لدی التدقیق
مذکور استدعاناامه نک مدت قانونیه به موافق اولدینی
دائرة مذ کوره جه اکلانلقدن ومحکمه تمیز هیئت
عمومیه سنجاده اعلام مذکورک اصراری متضمن
اولدینی متفقاً قرار آلتنه آلتندقدن صکره آنف البیان
اعلام ایله اوراق متفرعه سی قرائت ومطالعه اولندی.
اعلام مذکورک مالی وظیفه ماموریتلرینه سوء
استعمال ایلدکاری ادعاسیله مظنون علیهم اولان
قوجحصار قضاسی بدایت محکمه سی رئیس اسبقی توفیق
افندی ایله رفقاسی حقارنده محکمه مذ کوره ده اجرا
قلنان محاکمتری نتیجه سنده اصول محاکمات جزائییه
قانوننک درتیوزنجی ماده سنک ذیلنده قضایا بدایت

محکمہ لرنک و نیسارلہ اعضاسنک عندالافتضا محاکمہ لری
لوا بدایت محکمہ لرنده رؤیتی لزومی توضیح ایدلش
وقوچحصار بدایت محکمہ سنک مرجع استینافی ایسه
لواسی محکمہ سی اولان قونیہ مرکز بدایت محکمہ سی
جزا دائرہ سی بولنش اولدیغندن اولوجهله معامله
ایفا ایدلک اوزره اوراق دعوانک استیناف مدعی
عمومیلکنه تودیعنه دائر ویریلان اعلام تمیزایدلکل
محکمہ تمیزاستدا دائرہ سنجه اجرا ایدیلان تدقیقاند
قوچحصار قضای ولایت مربوط بر قضا اولدینی
وبوکي قضا بدایت محکمہ لری رئیس و اعضاسندن
بری علمنده امور ما مورده لرندن طولانی وقوعبوله جق
دعوانک رؤیتی تشکیل محاکم قانوننک الی ایکنجی
ماده سی موجبجه ولایت استیناف محکمہ سنه عائد
بولندیقی حالده محکمہ مذکورجه بدایت محکمہ سنه
عائد اولدیغه قرار ویرلمی بولسز و مخالف قانون
اولدیغندن اعلام استینافی مذکورک تقض و اعاده
ایدلمی اوزرنجه محکمہ مذکورجه یکیدن جریان
ایدن محاکمه محکمہ استینافی محاکم قرار وافی تشکیل
محاکم قانوننک الی ایکنجی ماده سیله اصول محاکمات
جزایه قانوننک درتیوز برنجی ماده سی ذیلنه موافق
بولنش اولدیغندن بجنه اولوجهله قرار مذکورده اصرار
اولنسنه قرار ویرلیدکندن و مذکور استعدانامه یه
مربوط لایحه مدعیه مندرج اعتراضاتک خلاصه سی دخی
قوچحصار قضای مرکز ولایت مربوط اولمغه برابر
بوکي قضا بدایت محکمہ لری رئیس و اعضاسی حقلرنده
وقوعبوله جق دعوانک ولایت استیناف محکمہ سنه
عائد اولدینی تشکیل محاکم قانوننک الی ایکنجی ماده سی
افتضاسندن بولنش ایکن محکمہ مذکورجه مارالذکر
ماده قانونیه پاکش تقدیر ایدلهرک محاکمه بدایت
محکمہ سنه اجراسنه قرار ویرلمی صراحت قانونیه
ایله قابل تألیف کوریه مامش اولدیغندن بجنه مذکور
اعلامک تقضی طلبندن و تبییننامه مذکور مفادی دخی
قرار اخیر مذکور موافق قانون کورلش اولدینی
بیانندن عبارتدر .

ایجابی لدی المذاکره اصول محاکمات جزایه
قانوننک سالف الذکر درتیوزنجی ماده سنک ذیلده
اگرچه قضا بدایت محاکم رؤسا و اعضاسنک
عندالایجاب محاکم لری لوا بدایت محکمہ لرنده اجرا
اولنور دیو محرر ایسه ده اشبو ماده مذبلده قضا
بدایت محاکم هیاتنک مرجع محاکم لری اولمق اوزره
تعیین وارانه قلنان الویه محاکم تشکیل محاکم قانوننک
یکرمی اوجنجه ماده سی منظوفنجه دعاوی جنایه یی
دخی رؤیت و حکمه مأذون و ولایت مربوط اولان
الویه مرا کزنده متشکل بدایت محکمہ لری اولوب
قضا بدایت محکمہ سی هیاتنک عندالافتضا ججنه

وایجابیت نوعندن اولان افعال وحرکاتندن طولای
اجرای محاکم لری خصوصنکده اصرار قرارنده
کوسترلیدی وجهله مرکزولایتده بدایت محکمہ سنه
تودیوی بو محاکم اساساً دعاوی جنایه یی رؤیت
امرنده مأذونیت قانونیه یی حائز اولماسنه نظراً
صلاحیتی فوقنده بر وظیفه تحمیلی دیمک اوله جفی
جهتله رهین جواز اوله میهنه وشو حالده بو قبیل
ولایت مربوط قضا محاکم ابتدایه سی رؤسا و اعضا
سنک مرجع محاکم لری منسوب اولدقلری استیناف
محکمہ سی اوله رق بوده دعاوی جنایه یی دخی رؤیت
صلاحیتدار اولان ولایت استیناف محکمہ سی ایدوکی
قانون منبورک الی ایکنجی ماده سنه کوسترلش
اولدیغه بناءً اصول محاکمات جزایه قانوننک اوجیز
اون دردنجه و اوجیز اون طبقوزنجی ماده لری
احکامنه توفیقاً استدا دائرہ سنک موافق قانون
کورنران اسباب تقضیه سی دائرہ سنه ذکر اولنان
اصرار قرارینک تقضیه و اوراق مرقومنک محله
اعاده سنه ۲۴ اگستوس سنه ۳۲۲ تاریخنده اکثریت
آرا ایله قرار ویرلدی .

محکمہ تمیز حقوق دائرہ سنندن تنظیم واعطا قلنان اعلامدر :

ازمیرده ایکنجی قورونده فرانمز پوستخانه سی
انصالنده مغازه سنه مقیم دیمتری دیندی ولد قسطنی
ایله معدن سواقنده ساکنه متوفی میخال حاجی لوقه
زوجیه سی دسپینه قادی بنلرنده منجحدث دعوا یه
دائر ازمیر بدایت محکمہ سنندن ۱۹ کاون اول سنه
۳۱۹ تاریخ و ۱۷۲ عددی ایله ویریلان اعلام
مرقوم دیمتری دیندی طرفندن تمیز ایدلش و دیگر
طرفندن جواب لایحه سی ویرلماش اولمغه اعلام
مذکور بالکبر مستعینک اعتراض لایحه سیله بالمطالعه
تدقیقات تمیزیه اجراسنه ابتدار اولندی .
مالی مزبورده دسپینه قادیینک مدلولده اطواس
قریه سنده واقع متصرف اولدینی معلوم الحدود زیتون
اشجارینی حاوی بش درنم مقداری بر قطعه باغنه
مرقوم دیمتری مداخله و محمولاتی غصب ایتکنده
اولدیغندن بجنه مداخله واقع سنک منیهله مذکور
محصولک قیمتی اولان اون عدد لیرای عثمانی ایله
مذکور باغک تسلیم و حین تسلیمه دکن محصول
بدلی اوله رق سنوی اوزیرلرلک تحمیلی طلب وادعا
ایتمسه قارشو مدعی علیه مرقوم دیمتری دخی منازع
فیه باغی قرق بش عدد عثمانی لیرای بدل مقابلنده
مدعیه مزبورده دن صاتون الهرق تصرف ایتکنده
اولدینی کی تکالیف امیریه سی دخی کندوسی ایفا

ایتمکده اولدینی مدافعه بیان وانبای و بیع و شرایی
ناطق برقطعه سنند ابراز واعطا ایتسی و مدعیه مزبورده
دسپینه قادیینک ایسه اولیاده کی عقد بیع شرطه معلق
بولنش و شرط ایله بیع صحیح اولیه جتی کی مذکور
باغک بدلندن متبایق اون بش عدد لیرای عثمانی
دخی مدعی علیه مرقوم ایضا ایتماش اولدیغندن
اساساً باطل اولان عقد مذکورک شو صورته دخی
حاکم قلاماش اولدینی تذکار و مدعی علیه دخی
بیع واقع شرطه معلق اولوب مجرد بدلنک صورت
تسویه سنه دائر وضع اولنان شرطک عقد بیعی اخلال
ایتمه جکی کی عقد بیعدن رجوع حقنده کی شرائط
دخی ملغا اوله رق حکمی اولیه جفی بسط و انیان
ایتمی اوزرنجه جریان ایدن محاکمه و کشف و تدقیقات
نتیجه سنه منازع فیه باغی مدعیه دسپینه قادیینک
مدعی علیه مرقوم دیمتری یه بیع ایدلکی مبرز سنند
مدرجاتیه تحقیق ایش ایسه مذکور سننده بیع
مذکورندن طرفندن هانکیسی رجوع ایدر ایسه
دیگرینه اون بش لیرا تضمینات اعطاسی شرطی
مندرج اوله رق بو صورته بیع واقف اقاله سی دخی
مذکور سنده مربوط اولسنه و مدعیه مذکور بو بایده
اقامه دعوی ایتسیله بیع مذکورندن رجوع ایش
دیمک اولوب شرط مذکور حکمنجه مدعیه مزبورنک
بو بایده رجوعده صلاحیتی درکار بولنسنه بناءً
مدعیه دسپینه قادیینک یی اوله رق آیش اولدینی
اون بش لیرای اولیاده کی مقالهری موجبجه اون
بش لیرا تضمینات ضم و علاوه سیله بالغ اولدینی
اوتوز لیرای مدعی علیه مرقوم دیمتری یه اعطاسنه
و مذکور باغک دخی مدعیه دسپینه قادیینه تسلیمه
و مدعیه نک محصول بدلنک تحمیلی حقنده کی ادعاسنک
ردیه حکمدن و مستدعی تمیز دیمتری دیندینک
اشبو حکم علینده لایحه سننده محرر اعتراضاتنک
باشلوجیه سی عندالحاکمه ابراز اولنان بیعی ناطق
سنده احد عاقدین بیعدن رجوع ایدر ایسه اون
بش لیرا اعطا ایتک اوزره مندرج اولان فقره احد
عاقدیننه نفی اولیان شرط لغو قیلندن اولدینی جهتله
بیع صحیح بولنسنه کوره کندوسنک رضای و موافقتی
منضم اولدقجه بیع مذکور اقاله اولنمن ایکن محکمہ
مذکورجه فقره مذکوریه اقاله معناسی ویریلهرک
برمنوال محرر حکم اولسی مغایر قانون اولدیغندن
بجنه اعلام مذکورک تقضی استداسندن عبارت
بولنشدرد .

ایجابی لدی المذاکره اعلام مذکور مألندن
منهم اولدینی اوزره مدعیه نک یی اوله رق الدینی
اون بش لیرانک اقراری وجهله رد و اعاده سنه
حکم ایدلمی بولنسنه و موافق قانون اولوب انجق

مقاله دن نکولدن طولانی ویرلمی و شروط اولان
مبلغ نذر قیلندن اولمغه بونک حقندنه کی ادعایک
ردی اقتضا ایدر ایکن انک دخی تحمیلی جهتنه
کیدلمی بولسز و مخالف قانون اولدیغه بناءً اصول
محاکمه حقوقیه قانوننک ایکی یوز قرق برنجی ماده سی
موجبجه اعلام مذکورک بوجیت حکمنک تقضیه
قانون منبورک ایکی یوز قرق بشنجه ماده سی حکمنه
توفیقاً بوجیتک بالاصلاح اعلامه ربطی ضمننده
محکمہ مذکوریه اعاده سنه واول و آخر مستدعی
تمیز مرقوم دیمتری دیندی طرفندن ایفا اولنان
جمعاً اوجیز التمش بقی غروش مصارف تمیزیه نک
ایبروده حقسنر چقه جق طرفه عائد اولسنه ۲۶
مایل سنه ۳۲۰ تاریخنده متفقاً قرار ویرلدی .

ضبطیه ذوالفونی قتل ایدلکی ادعا اولنسنندن
دولای جنایتله اتهام اولنان محمدک اعدامنه و آمرمجر
اولان حسنک دخی اون سنه مدله کورک قونلنسنه
دائر ارغی سنجانی بدایت محکمہ سی جزا دائرہ سنندن
اعطا قلنان ۱۸۲ نومروی اعلام

آجی چشمه جوارنده حسن قتل ایدلکی ادعا
اولنسنندن دولای جنایتله اتهام اولنان یکی زغهری
صالح بن حسنک اون بش سنه مدله کورک قونلنسنه
دائر درسمات جنایت محکمہ سنندن لاحق اولان ۳۹
نومروی اعلام

اگرچه اوغلی عمری قتل ایدلکی ادعا اولنسنندن
دولای جنایتله اتهام اولنان محمد بن امین چاوشک
اون بش سنه مدله کورک قونلنسنه دائر ارطغرل
سنجانی بدایت محکمہ سی جزا دائرہ سنندن اعطا قلنان
۴۲۶ نومروی اعلام

شرین اوغلی قلابچی کرقورایله هناز نام قادیینک
خانهری قصداً احراقه قصدی ایدلکی ادعا اولنسنندن
دولای جنایتله اتهام اولنان مهتدی حاجی عثمانک
اوج سنه مدله کورک قونلنسنه دائر سیواس ولای
استیناف محکمہ سی جزا دائرہ سنندن اعطا قلنان ۳۷
نومروی اعلام

تیرانک قارقه قریه سنندن موسی بن اسلام منه نک
کیفیت قتلندن دولای جنایتله اتهام اولنان چوبان
مصطفی بن اشغالهنک حین ایتاق جرمدن اون درت
باشنده بولنسنندن ناشی قرقنجه ماده قانونیه یه توفیقاً
درت سنه مدله حیسنه و بش سنه ضبطیه نظارتی
آلتنده بولندیرلمسنه دائر دراج سنجانی بدایت محکمہ سی
جزا دائرہ سنندن اعطا قلنان ۱۴۸ نومروی اعلام
محکمہ تمیز جزا دائرہ سنجه تصدیق قلنمشدر .

۵۳۳ نومروی نسخه ده مندرج درسمات جنایت محکمہ سی اعلامنک مابعدی :

بونک اوزرنجه مدافعه وکیللرندن حدی افندی
ادعا شودینک استاعندن یکرمی درت ساعت مقدم
مدافعه شودینک اقامه سننده کی حکمت مدعی عمومینک
اطلاعنه معروض اولمق مقصدینه مبتنی اولدیغندن
اشبو استعدانامه نک اوراق میانده بولنسی مقصد
مذکور یی تأمین ایدلیدکندن قصاب احمدک بیان
ایدلکی کسانک مدافعه شاهده اوله رق جلب
واستاع اولنسی و نجاتی افندی دخی اشبو استعدانامه
تصرفات قانونیه یه موافق اولدیغندن مدافعه شاهده
اوله رق عدم استاعنه قرار ویرلمی استدا و معاون
مومی الیه دخی مدافعه شهودی استعدانامه سی هر حالده
ما موریتارینه تبلیغ ایدلک لوازم قانونیه دن اولدیغندن
وقرائت اولنان استعدانامه ایسه تحقیقات مدار اولمق
اوزره ویرلش بولندیغندن مدافعه شاهده اوله رق
استاع ایدیلهمیه جکی طلب وادعا ایتلریله لدی التأمل
مرقوم احمدک مذکور استعدانامه یی برنسنه اوله رق
استنطاق دائرہ سنه ویرمش و تبلیغ خرجی و زنه یه
اعطا ایدوبده برنسنه سی مدعی عمومی یه تبلیغ
ایتدیرماش وینه تبلیغ خرجی ویرماش و بومقوله
کندوسنه اسامیسی جنایت اصولنجه تبلیغ اولنایان
شاهد لره مدعی عمومینک قانوناً اعتراضه حق
بولنسنه بناءً ذکر اولنان استعدانامه ده اسملری
محرر کسانک اول صورته مدافعه شاهده اوله رق
جلی لازم کیلجه جکی بالاتفاق قرارگیر اولدی انجق
کسان مرقومنک اظهار حقه مدار اولمق اوزره
جلب واستاعلری جانب ریاستدن تسبیب ایدلمسیله
آنلرک جلب اولنسی وادعا شاهدلرندن بولنه میان
محمد و اسماعیلک تحریلری ضمننده مذکره ویرلمی
و مرقوم احمدک علی نظری آلت قاطعه ایله الک تهلیکلی
اولان بولنندن جرح ایش اولدینی حالده کیفیتک
قطعی راپوره ربط ایتدیرلماش اولدینی واشبوقه نک
دخی مواد جنساییدن بولندیقی اکلاشلیدیغندن
تحقیقسانک نواقصی اکتال اولمق و فیکل درجه سی
تعیین ایدلک اوزره هیئت انهمایه یه حواله ماده
ایدلمی و برده مرقوم احمدک اصولنه توفیقاً طلب
ایدلکی مدافعه شاهدلرنک کتورلمی خصوصلرنه
دخی یه اتفاقله قرار ویریلهرک مذکور قرارلر ایله
تسبیب واقع طرفینه بالفهم نیکسانک التنجی کونی
منهم احمد و توفیق و حسین علی الاصول توقیفخانه دن
کتوریلهرک وکیللرندن نجاتی افندی و حدی افندی
عدم ورودینه منی متهملرک قبول و موافقتیه وکیل
تعیین قلنان و اوراق دعوانی محکمہ قلمنده مطالعه

ایله مدافعه یه حاضر بولندیقی سولیان محکمہ زندنه
مستخدم دعوی وکیللرندن بقدیگ افندی و مدعی
عمومی معاونلرندن عزتلول بهجت بک و مدعی شخصی
ناصر افندی حاضر اولدقلری حالده محاکمه سالونه
جقیله رق اجرای محاکمه علنیه دوام اولندی .
متهملردن قصاب احمد طرفندن مدت قانونیه سی
ظرفنده اعطا ایدلکی استعدانامه ده اسملری محرر
اولوب برقسیمی دعوت واقعه ابتعاً ورود ایدن
برقسیمی دخی بازیلان مذکره ل اوزرنجه حبسخانه
و توقیفخانه دن کتوریدیلان مدافعه شهودی بر بر
حضور محکمہ یه جقاریلهرق لدی السوال طرفینه
برکونه قرابت و مناسبت و خصوصتلی اولدینی
اکلاشلیمسیله و اصولی وجهله بعدالتجلیف منفرداً
و مواجهته استاع اولندقلرنده بولنندن سرقتندن
طولانی موقوف و غیر محکوم بولنان وقاسم باشاده
اقامته اشجیلی ایتدیکنی سولیان اون بدن باشنده
ایسه بولسی حسن بن علی برکون برمق قبوده ات
صائمده ایکن صقالی بر آدم قصاب احمدک زندنه
کلهرک چوچنی اوردرک بش اون پاره ویر دعوی
ایسون دیمسیله متهم مرقوم بیلیمورم بن کوردیکم
آدم دکدر دیدیکنی ایشیدیکنی بیان ولدی الاستیضاح
مرقوم صقالی کوندوزین ایکندی اوسق برمق
قبوده قوندهرجی دکانی اوکسند وایاقده اولدقلری
حالده متهم احمدن پاره ایتدیکنی و اوصرده متهم
مرقوم دخی بن اورمدن دیدیکنی و صقالینک باشنده
صاریق بولندیقی و کندوسی هرایکسینی اوراده
براقهرق دکانه عودت ایدلکیکی اتیان ایدلی .

متهم احمد کندوسندن کلوب پاره ایستین صقالی
شخص صادق افندی اولدینی سوبلدی .
حریقه تصدی ماده سنندن طولانی اوج سنه کورک
جزاسیله غیر مصدق اوله رق محکوم بولنان اوتوز
باشنده قره حصارلی عمر بن شعبان توقیفخانه ده
طایدینی متهملردن حسینک کندوسنه برشی
سولیدیکنی و بوخصوصه دائر برکونه معلوماتی اولدینی
افاده ایدلی .

متهملردن احمد متهم حسینک شاهد عمره
بوماده دن طولانی اون سنه یه محکوم اولدینی تقدیرده
راضی اوله جفی سولیش اولدینی کندوسنه بیان
ایتدیکنی سوبلدی .

برمق قبوده اقامته ترقس قومیانیه سی عمله سنندن
اولدینی سولیان اوتوز یاشنده دباریکرلی شریف
چاوش متهملردن حسینک اشبو قتل ماده سی حقنده
هیچ برشی سولیدیکنی افاده ایدلی .

متهم احمد بوشاهد انکار حقیقت ایتکنده
اولدینی سرد ایدلی .

برمق قبوده اقامتله قوندره جي اولديني سويليان
اللي ايكي ياشنده نوشهرلى استليو ولد كرياتو متهملردن
حسينك توقيفندن مقدم بركون دكانه كيدرك
اوزرنده بولنان قاسنى بيلكى طاشنده بيله ديكنى ياد
ولدى الاستيضاح كندوسنده بيلكى طاشى بولندينى
ايچون اوجوارده كى قصابلر كلوب بچاقلرينى
بيله دكلرينى ومهم مرقومك بيله ديكنى قانك بيوكلكنى
تعين ايدمه جكنى وخاطرنده قالدغه كوره توقيفندن
بر برچق آى مقدم بيله مش اولدينى ايراد ايلدى .
متهملردن حسين كندوسى قاييله مديكنى ودائما
مرقوم استليونك دكانه كيدرك قصاب بچاغى بيلر
ايدوكنى سويلدى .

مصلاده اقامتله برمق قبوده قصاب اولدينى
سويليان اوتوز بش ياشنده اكينلى عزيز بن محمد
برمق قبوده ات صائمده لر ايكن صقاللى بر آدم
كلهرك متهملردن قصاب احمد بن بش اوز غروش
وير ديهرك پاره ايستديكنى بيان ولدى الاستيضاح
مرقوم شخص اوچ درت دفعه كلوب پاره ايستديكنى
وبرمق قبوده كوندوزين كلوب پاره طلب ايلديكنى
افاده ايلديلر .

(مابعدى كله جك نسخيه)

مرسين بن مظلومك قوميسر احمد افندينىك
خانه سندن اشيا سرقت ايستديكى ثابت اولمغه اوچ
ماه مدتله حبسنه وختام مدت جزائيه سنده ضابطه جه
كفالتله ربطنه

صارى قوچو وديمتري قناريه وصندالجي
ابراهيمك بكديكرينى ضرب ايستكلرى ثابت اولديغندن
برر هفتة مدتله حبسلرينه

الياسقو ايله مانديكه قادينك اچمه سيله مجوهراتى
سرقت ايدن اودوقسيه قادينك اتى اى مدتله حبسنه
وختام مدت جزائيه سنده ضابطه جه كفالتله ربطنه

شاملى درويش حسيني ضرب ايستديكى ثابت اولان
درويش ابراهيمك اوز كون مدتله حبسنه

صادق افندينى ضرب ايستديكى ثابت اولان كامل
افندينىك برهفته مدتله حبسنه

كوفه جي على بي جرح ايستديكى ثابت اولان كوفه جي
حسينك اوز كون مدتله حبسنه

بنايوطه قادينى ضرب وجرح ايستديكى ثابت اولان
مانبودن برالتون النهرق مدعيه اعطاسنه

على افندينى ضرب ايستديكى ثابت اولان بقال
علمياردن برالتون النهرق مدعيه اعطاسنه

بقال يوركى بي ضرب ايستديكى ثابت اولان نيقوليدن
برچق التون النهرق مدعيه اعطاسنه

قايتجى محمدى ضرب ايستديكى ثابت اولان عزت
افنديدن برالتون النهرق مدعيه اعطاسنه
امينه خانمك عايشه خانمى ضرب ايستديكى ثابت
اولمغه اوز كون مدتله حبسنه

اوطه باشى سحاقك يانى اوغورلى اوغلنه محل
ناموس سوز سويلديكى ثابت اولمغه يارم التون جزاى
نقدى اخذينه

تنبيهات مخالف حركت ايلديكى ثابت اولان كورجى
زقاغنده ساكن استماتدن بر بشلك جزاى نقدى
آلئسنه

آنا نام قاديننه ناموسه طوقنور سوز سويلديكى
ثابت اولان ياغجى محى الدين افنديدن بر ليرا جزاى
نقدى آلئسنه

آرابه جي آريستيدى بي ضرب ايدن بكي كويده
ساكن آرابه جي علقودن ايكي ليرا النهرق مضروبه
اعطاسنه

بنايوطك پاره چانطه سنى سرقت ايدن خاصكويده
ساكن ديمتريك اوچ آى حبسنه وختام مدتله
ضابطه جه كفالتله ربطنه

قسطنطين بيرا شيشه سيله جرح ايدن كوچك
چكمجهلى طوغله حرمى عمله سندن فراقتونك اوز
كون حبسنه

يكديكرينه تشير سلاح وضرب ايلدكلرى اصولاً
ثابت اولان دائره سادسه تحصيلدارى سيد محمد افندي
ايله نيقولى افنديلر اوز كون حبسلرينه

اجراى وظيفه حالده بلديه چاوشى عمر افندي به
اطاله لسان ايدن اسماعيلدن بر ليرا جزاى نقدى
اخذينه

على غالب افندي به محل ناموس سوز سويلديكى
ثابت اولان جال بكدن يارم التون جزاى نقدى اخذينه
درسعادت ، بك اوغلى واسكدار بدايت محكمه لرى

جزا دائره لرنجه قرار ويرلمشدر .

اعلانات

ايكنى محكمه تجارته :

بالق بازارنده ياغجى زقاغنده ١٢ نومرولى
مغازده مقيم كاغدجى اصنافندن اورام ولد يوان
كشيش اوغلى طرفندن اقدجه قنطار جيلرده يكي
خانه ساكن ايكن غيبوت ايدرك اليوم اقامتكله
مجهول ايدوكى خان مذكور اوطه باشيسى طرفندن
اولبايدهكى دعوتنامه ظهرينه يازيلان شرحندن
اكلاشيلان تجارندن على ناظم افندي عليه اقامه
اولنان افلاس دعواسى اشبو ٣٢٢ سنه سى كانون اولنك

اون التنجى جمعه ايرتسى كونى ساعت التى راده لرنده
درسعادت ايكنى تجارت محكمه سنده فصل ورؤيت
اولنه جفندن يوم ووقت مزبورده مدعى عليه موسى اليه
على ناظم افندينىك بالذات محكمه مذكوره ده حاضر
بولئسى وباخود طرفندن مصدق سنده بر وكيل
كوندرمى لازم كله جكي وشايد كلز ووكيل دخى
كوندرمز ايسه حقنده معامله قانونيهك اجرا
قلنه جنى معلوم اولق اوزره اولبايده تنظيم قلنان
دعوتيه ورقه سى محكمهك ديوانخانه سنده تعليق
اولندينى كى اوراق حوادث واسطه سيله دخى اعلاننه
ابتدار قلندى .

محكمه تجارت اصرا دائره سنده :

مانطو واسيليدى به اولان دين محكومندن طولاني
كرياقو ولد واسيل قوطونك غلطه ده سلطان بايزيد
محله سنده بلبل زقاغنده كائن اولوب يديوز ليرا
مقابلنده خديجه عزيزه خانم مرهون بولنان يكرى
اوچ ويكرى بش نومرولى على التخمين ايكيوز
ذراع عتيق عرصه اوزرينه مبنى كاركي اولهرق
واوستنده درت قاده اوز بش اوطه ودرت صوفه
واوچ تراچه وآلئنده كبير برعخن وارقه سنده
طلوبه لى برصو قيو سنى مشتمل بولنان بيرا اتمكى
فرونك فضله بدل رهندن تسويه دين ايستيرمك
اوزره فروختى قرار آلئنه النش اولديغندن برموجب
قرار مذكور فرون ومشتملاتى تاريخ اعلاندن
اعتباراً اوز بش كون صكره موقع مزايده به وضع
ايديله جكندن اشتراسه طالب اولانلر وبوندن زياده
معلومات الموق ايستيفلر محكمه تجارت اجرا دائره سنده
مراجعت ايللرى اعلان اولنور .

درسعادت اعمومات نظام اصرا دائره سنده :

قيوجى زاره بابلانك مفر ولد خاچيك ذمتنده
محكوم به اله جنى اولان مبالغك تا مبن استيفاسيچون
مديون مرقومك عهدۀ تصرفنده اولوب حكماً
محجوز بولنان صمايه ده كاتب مصلح الدين محله سنده
واقع تخميناً سكران بش آرشون عرصه اوزرينه مبنى
اوچ قادن عبارت درت اوطه وبرمطبخ وبرصهرنجى
محتوى اوز درت نومرولى خانه دهكى ثلث حصه سنك
تاريخ اعلاندن اعتباراً اوز بش كون صكره بالمزايده
فروخته تشبث اولنه جنى درسعادت اعلانات نظاميه
اجرا دائره سندن اعلان اولنور .

مطبوعه عثمانى